

柳亞子主編

南社詞集

第一冊



南社詞集第一冊目次

次目冊一第

1

一	丁以布 展庵詞	一
二	丁三在 不識詞	一
三	王德鍾 大覺詞	六
四	王漢章 吉樂詞	八
五	王 橫 瘦月詞	九
六	王鍾麒 毛生詞	一〇
七	王蕤章 蓮農詞	一六
八	古 直 公愚詞	六八
九	白 炎 中壘詞	七〇
一〇	朱 霞 劍鋒詞	七三
一一	朱嘉家 劍芒詞	七四
一二	朱錫梁 梁任詞	七七

一三	朱 璽 鷓鴣詞	七八
一四	余 一十眉詞	七九
一五	余壽頤 救饑詞	八一
一六	吳有章 漫庵詞	八四
一七	吳 梅 癡童詞	八五
一八	吳 虞 又陵詞	九六
一九	吳清庠 眉孫詞	九九
二〇	吳志伊 天民詞	一〇〇
二一	吳碧城 遁天詞	一〇一
二二	宋一鴻 凝神詞	一〇六
二三	成本璞 瑞如詞	一〇八
二四	李 凡 息霜詞	一一二
二五	李 拙 康弼詞	一一四

二六	李養夢 小白詞	一一四
二七	林 義 仲密詞	一一六
二八	汪文溥 蘭皋詞	一一七
二九	汪兆銘 精衛詞	一二〇
三〇	沈次約 劍霜詞	一二二
三一	沈宗畸 南雅詞	一二三
三二	沈昌眉 眉若詞	一二〇
三三	沈汝謹 石友詞	一二三
三四	沈 雲 秋凡詞	一二三
三五	沈 礪 道非詞	一二五
三六	沈毓清 詠裳詞	一三八
三七	狄 膺 君武詞	一三九
三八	周宗澤 景瞻詞	一四〇

三九	周亮天石詞.....	一四一
四〇	周偉仁人菊詞.....	一四六
四一	周斌芷畦詞.....	一四六
四二	周雲酒痴詞.....	一五一
四三	周實實丹詞.....	一五二
四四	易象梅僧詞.....	一五八
四五	林之夏秋葉詞.....	一五九
四六	林百舉一厂詞.....	一五九
四七	林學衡浚南詞.....	一六二
四八	邱志貞梅白詞.....	一六五
四九	邵瑞彭次公詞.....	一六六
五〇	金光弼夢良詞.....	二一五
五一	金燕翼謀詞.....	二一六

五二	俞 鏗 劍華詞	二一七
五三	姚 光 石子詞	二五八
五四	姚肖堯 民哀詞	二五九
五五	姚錫鈞 經離詞	二六〇
五六	姜胎石 參蘭詞	二七三
五七	姜 崙 杏凝詞	二七六
五八	柳棄疾 亞子詞	二八四
五九	洪 免 董父詞	三〇〇
六〇	洪爲藩 白蘋詞	三〇四
六一	胡先驪 步曾詞	三〇五
六二	胡穎之 栗長詞	三一四
六三	胡韞玉 樓座詞	三三九
六四	胡懷琛 寄塵詞	三四一

六五	孫景賢 龍尾詞	三四三
六六	徐自華 懺慧詞	三四四
六七	徐蘊華 小淑詞	三五〇
六八	徐 珂 仲可詞	三五五
六九	徐 夢 牛夢詞	三六〇
七〇	浦軍年 醒華詞	三六二
七一	馬駿聲 小進詞	三六三
七二	高 燮 吹萬詞	三六四
七三	高 旭 天梅詞	三七一
七四	高 增 佛子詞	三八八
七五	張光厚 荔丹詞	三九四
七六	張光蕙 穉蘭詞	三九六
七七	張 長 心無詞	三九七
七八	張昭漢 默君詞	三九八
七九	張啓漢 平子詞	三九九

一 丁以布展庵詞

少年遊爲春航題名小青墓作，用盧尊韻。

蘭因詩記管夫人，一夢悟前身。（錢塘陳文述室人管筠題蘭因集詩註云：家慈夢大士攜

青衣垂髻女子，持雙頭蓮花而生予，說者以小青後身解之。）霜促幽芳，風欺弱質，恨事泣花神。
荒墳殘碣孤山路，冷月夜歸魂。環珮三更，艷飀一曲，疑假更疑真。

雙紅豆題龍丁社友春秋愁怨詩

春復秋，怨更愁，可奈年光似水流，紅顏易白頭！
綠楊樓，白蘋洲，欲泛扁舟故故留，人生幾

樂游！

二 丁三在不識詞

少年遊爲春航題名小青墓作，用盧尊韻。

碧甃甃上現真真，同是夢中人。我本鄉親，卿非異姓，何必問前身。花開花落年年恨，酌水奠香魂，蝴蝶飛灰，杜鵑啼血，今古此傷神！

前調前詞意有未盡，重拈一闋，仍用虞尊韻。拉雜之誚，在所不免。

傳奇彷彿再來人，（小青傳奇）清初曾一演于吳下，陳臥子、李舒章均以彷彿行記之。又覩舞腰身。血淚雙行，心香一瓣，我弔女兒魂。鍾情爭說虞山事（見列朝詩集小傳）簫鼓欲離真。譚子懷名牧齋無賴，唐突藐姑神。

減蘭爲佩絃題荀郎小影

宜嘖宜喜，省識春風圖畫裏。滿月年華，開到人間第一花。紅牙按拍，望斷江南空冀北。問姓香薰，小字分明解受辛。

前調題吹萬亞子石子暨眷屬三潭泛舟照片，次吹萬韻。

輕舟穩坐，叢竹橫空搖翠个。笑把蘭篙，刺入新荷傍小橋。三家仙侶，添個高郎豪自許。素月流波，對影飛觴爾我他。

一痕沙題武林同遊照片，次吹萬韻。

醉夢生生死死，今昨非非是是；大地劫塵餘，此身殊。
喜得相携戚串，放浪酒邊吟畔；招隱
有名山，待君還。

浣溪紗 題西泠雅集照片，次吹萬韻。

君慣牢愁我鬱思，酒痕和淚影差差；莫嗟邂逅十年遲。
鏡裏蛾眉修黛色，畫中蟬鬢引烏

絲；明湖回首暮春時。

羅敷媚 題亞子盧尊越流春航小雲清波弄影照片

明湖游客分湖侶，潦倒名場；點綴歡場，同調元方與季方。
鶯簧柳浪聲聞寂，敷粉何郎；燕

麝荀郎，一水盈盈鏡裏妝。

菩薩蠻 偕絳士蘇新恨生亞父冥飛展庵三潭夜泛

半規朝月雙枝槳，瓜皮恰受人三兩。瑣瑣話平生，王門不作伶。
相逢疑舊雨，莫漫分賓主。

長嘯印潭心，交情水比深。

淒淒切切聽蟲語，螢鐙數點隨風去。一味趁朝涼，天涯易斷腸。
花香人意靜，人影欹花影，

欲折並頭蓮，分開水底天。

相見歡湖上對月調冥飛

窺他半面嫦娥，恨偏多；只恨張郎不與畫雙蛾。無情緒，聽私語，隔銀河，應悔廣寒歸去奈

嬌何！

羅敷媚寄懷春航

秋風容易吹人老，郎未歌殘；儂已吟殘。燭影搖紅淚墨乾。記曾共泛西泠櫂，相見何難；乍別尤難。月子彎彎兩度看。

減蘭贈春柳劇場鏡若絳士蘇新鏡澄諸子

現身說法，粉墨淋漓言笑狎。游戲人間，狡獪神通見一斑。中年哀樂，一例鸞飄嗟鳳泊。優孟衣冠，莫作尋常鞦韆觀。

采桑子贈恨生爲冥飛作

西泠無那銷魂處，來也匆匆，去也匆匆。飄泊天涯類轉蓬！柔情顛倒張公子，笑也春風，罵也春風。一霎雲遮鏡裏容。

浣溪紗贈恨生

兩岸雲山十里波，兒家生小住瀏河。萍踪海上轉愁多。南國親栽紅豆子，西湖低唱碧蓮歌。夜深可奈月明何！

西子妝爲醉儂題化妝西湖采蓮小影用夢窗韻

初日顏酡，曉山眉翠，微帶一痕輕霧。畫船破浪采蓮來，戰風荷第三橋堍。香迷蝶舞，飛向玉搔頭住。悄含情，問雙雙鷺鷥，夢深幾許？當年誤，嬌小西施，偏向吳宮去。蓮房露冷浣紗溪，惹相思依稀秦樹。羊王斷句，采蓮歌，始于羊祐，采蓮賦，始于王勃。最蕭瑟江關詞賦。漫悲秋，留聽殘聲夜雨。

邁陂塘題風木簷鳧戲池

楝花風一江水煖，雙雙鳧影飛渡。方塘半畝清如許，留得碧毛雛鷺。煙際樹，對垂柳澄波，春草斜陽暮。棠梨深處，有反哺慈烏。歸來野鶴，俯仰浮生悟。茅庵古，翠竹蒼松雲護。當年吾祖廬墓，紅羊歷劫灰猶熱，一霎成深霜露。今非（作仄）故。儘大千世界，無地盟鷗鷺。六州錯鑄，看弱羽隨流；妖鱗跋浪，阻絕仙源路。

減蘭題戲貓圖

吳鹽品咬，聘得烏圓嬌更小。細語喃喃，那野狐禪莫漫參。倘逢裴諤，至畢兒貓誰是主。一味癡頑，嬾臥花磚放蝶還。

霜毛柔美，戲劈紅絨穿嫩耳。午夢驚銷，指爪輕輕背上搔。荷香深處，倚遍闌干愁日暮。對影團圓，一證前因喚阿蘭。

南歌子 自題三潭對影照片

倒影湖心暈，閒身水面漚。叔兮弟也賦同游，添個張鷟天地寄蜉蝣。明月空潭淨，斜陽斷塔收。亭亭外引清流，宛在中央一色水天收。

鵲橋仙 七夕悼亡

月蟾學拜，星螢輕撲，兒女癡情難已。流年默數渡河期，怕暗地催人老矣。金梭空擲，銀針虛度，六六韶光彈指。畫屏無寐聽殘更，問久別天孫知否？

三 王德鍾大覺詞

點絳脣題拈花微笑圖

小立花叢，花光人面紅相照。香風輕裊，纖手將花拗。一事問郎：花與儂顏較，爲誰好？欲言羞了，只是拈花笑。

擣練子題踏雪尋梅圖

雲霧暮，霰霏霏，偶憶瓊姿映小溪。踏雪尋來翻不識，紅梅頭白白梅肥。

念奴嬌題十眉瓜山憶夢圖

綺樓香散，月無聲，剩有烟鬟鴉語。記得瓊筵銀燭下，喚酒尋春幾度。翠袖封香，花鈿鬪媚，影事無憑據。滄桑花下，春衫紅淚如許！待欲貰酒重來，拱宸橋下，金粉依然否？聞說西泠花月夜，已是月斜花腐。舊夢重提，新愁萬疊，翦幅生綃寓。小簾虛閣，是君醉墨題處。

訴衷情題十眉南泓尋詩圖

馬鳴庵畔罨垂楊，疎雨稻花香。秋來蓼汀紅樹，收拾付詩囊。寒渚外，鏡湖旁，盡文章。半堤荻雪，一笛漁風，十里湖光。

六么令題芷畦柳溪竹枝詞

畫橋茅店，今日如何矣？忍聽草枝水調，人去簫聲死。重訪翠巖鳴竹，衰草斜陽裏。賺人清淚，
勝南漁婦，猶採菱花插螺髻。虧他風月舊主，管領江山氣。閒譜一卷新聲，當作鄉風誌。秋老雀
肥蟹大，重續旗亭事。邀朋歡醉，柳溪吟夕，隔浦烟冥歌聲起。

滴滴金 寄酒社諸友

笑儂小隱漁邨久，採池菱，刈山韭；細算工夫幾曾有，酒債頻番負。寄聲梨里諸良友：莫相
思！莫相咎！待得中秋會相覲，罰我千盃酒。

四 王漢章吉樂詞

生查子

聞某君有安重根傳之作，隨意諷詠，得句數四，適合此調，因略竄數字以協律。

三韓俠少年，異世留侯也。漫道大功成，却共蟲沙化。華表鶴歸來，石上藤蘿謝。隻手挽狂
瀾，莫補江河下。

前調題藝業肖像，并寄之都門。

憶昔義陽遊，三載隨緣住。吾去汝東歸，汝送吾南去。前，想見當時處。

無聊展寫真，依舊葵園路。花發草堂

前調送衡甫東歸

黎侯胡不歸，屈子悲天問。文豹隱南山，故里堪肥遯。梅，君報江南信。

長安不易居，人遠天涯近。我寄嶺頭

前調漫書

珠簾春恨長，禪榻茶烟裊。書劍在風塵，最是知音少。書，祇道江南好。

尊前感慨深，眼底河山小。裁答故人

五 王橫瘦月詞

踏莎行 裙帶

簾外春寒；深閨香冷，羅衫低漾青絲影。兩行斜束柳腰柔，波紋如水飄還整。未必牽愁；偏能鎮恨，綠窗人邇天涯迥。短長怕向去時量，近來消息同誰省。

前調 袖籠

舞徹翻紅；歌筵拂翠，深深掩護宮砂臂。離愁堆壓上眉尖，夜來常教承香淚。不肯孤懸；居然雙綴，密絨錦字私藏蔽。晚來倚竹怯單寒，盈盈款擺因風吹。

六 王鍾麒 无生詞

摸魚兒 題自撰血淚痕傳奇

又無端幾番惆悵，阿誰寫入粉牒。賺儂多少酸辛淚，灑向西風黃葉。君聽徹，君不見行間都是鴛鴦血，聲聲淒切。有一縷幽魂，飛來卷裏，一讀一鳴咽。中心事，待與何人細說。看予頭上冰雪，霎時驚醒黃梁夢，猛換舊時宮闕。愁欲絕，但私祝根株莫被風吹折。芳菲未歇，願年少男兒，誓心恢復，努力補天缺。